

四庫全書

集部

欽定四庫全書

陶學士集卷六

明陶安撰

七言律詩

戊戌新春同遊蔣山卽席賦

時維正月初五日人在鍾山第一峯
石磴輕風隨馬去寶珠佳氣結飛龍
四方文物成嘉會六代京都覽舊蹤
我亦追隨冠蓋後未容歸隱撫孤松

寄董貫道

十年不見董貫道一書忽到金陵城越山帶雨生秀色
江月照人知此情客裏鶯花空隔世國初文物類登瀛
倚樓幾誦停雲句何日尊前意氣傾

次韻賀汪炳叔董貫道二典籤同寄諸博士余
掌兵曹與博士廳隔一壁耳

虎旅傳呼曉坐廳千官如拱北辰星晝長館閣無塵到
時誦文章隔壁聽席上恩光在蓮炬杯餘風味想茶經
諸賢同力扶持處紅日升天破晦冥

壽詩

天地結成龍虎氣廟堂倚作棟梁材軍民遠近歡聲動
吳楚東南壽域開大將風行威萬壘老人星現近三台
年年好景逢秋九黃菊香中捧玉杯

送陶伯仁

白雲已逐東風去桃李曾沾化雨恩江左名都新作客
山中稚子又迎門芙蓉光射蒼龍鼎紫菊香飛綠蟻尊
奉檄南歸如衣錦一簾溪月坐瓊温

送張復亨

玉帛邦交自古然，使軺來駐紫薇邊。
從容愛說留侯事，坐問能知伯玉賢。
鯨海風生喧沸鼎，鳳臺月白照芳筵。
試看南北今如此，必有英雄可合天。

庚子三月十七日上登忠勤樓幕佐文士皆在
焉因命各賦律詩一首

雨添溪水碧粼粼，夾岫人家柳色新。
南國山川遙在眼，東風魚鳥總知春。
連營插戟屯堅壁，驕馬如龍踏軟塵。

上相倚樓頻指顧幾多仁愛在斯民

上命賦詩送樞判吳國興回鎮建興並寄其弟

元帥國寶

二百年前說兩吳中興功業滿邊隅弟兄今復為良將
英勇俱能敵萬夫怒斥鯨鯢潛巨海平驅士馬獵姑蘇
無心宴樂軍中肅要挈山河入版圖

次權伯文韻并以送行

時庚子仲秋之六日也伯文廬山人

瀑泉噴落大江深懶棹扁舟釣柳陰鶴禁烟花春浩浩

龍門雷火暖駸駸路隨山勢孤懷壯風動天機萬籟吟
東閣呼茶清夜話試將寸草叩洪音

稻田秋雨一犁深江上樓臺綠樹陰使客輶車來穩穩
王侯版籍會駸駸精神獨得驪黃外騷雅元非蟋蟀吟
左轄才兼文武職拱聽當宁賜俞音

秋夜懷友寄秦伯容太守等

夜永懷人頻有夢日來作郡到無為江淮漸見干戈息
草木先承雨露滋家累相忘勤國事郊行遍問撫民瘼

西風依舊秋容好未暇登高醉片時

我憶西廳劉博士手提判筆坐黃堂意高自與青天遠
事簡偏知白晝長夢裏江環儀鳳閣望中草長卧龍岡
人生出處皆由命先試奇才定一方

寄林彥明

瀛洲學士跨征鞍巢縣遺民得好官傍市田疇逢歲稔
隔江風雨動秋寒庭前吏牘敷陳少兵後人家整頓難
西掖簾垂耿予獨暮雲飛雁幾憑欄

寄董貫道

蘭漿來從浙水東
蓮燈照入玉堂中
風雲變態兵機速
河漢為章筆意工
淮邑士民求世治
湖田蟹稻得年豐
有才且莫哦松下
膂力經營早建功

送清涼寺長老凱翁住持義烏雙林寺

山前雙樹翠成陰
彷彿祇園地布金
大士除疑融聖教
老禪說法震雷音
定中隱隱聞清磬
別後迢迢鬱此心
回望石城烟寺遠
一江風雨有龍吟

贈鎮撫田無禽

字有常守
天寧翼

鐵馬牙旗將帥才捷書頻到鳳凰臺
陣雲護壘軍容整塞月窺窻
旅夢回橫槊賦詩江海靜舉觴酌
客菊梅開囊書讀罷憑高閣
溪嶂秋清紫鴈來

送別

將營劔甲氣橫秋幕府衣冠坐運籌
天下義師同滅楚蜀中帝胄已興劉
星軺將命來華省錦誥覃恩遍列侯
歸向轅門宣主德滿城歡意動貔貅

故人劉彥英見過喜而賦詩

壬寅二月二十五日

十五年前遠別離空江明月渺余思間關兵後真奇遇
談笑尊前似舊時自古晚成為大器當今勝着出殘棋
國家所寶惟賢俊且使蒼生一展眉

偶見

前乎萬古後乎今天體高明地體深要識此身超衆物
只緣真理具中心紅爐有燄消融雪黃壤成堆揀出金
杖屨出門行不已泰山絕頂許登臨

憶別三首

七年同在省東廳回首征途夜戴星南國遠
猷資幕府西山爽氣挹江亭壯年報國心常赤
賢主知人眼為青鴻雁未秋音信少每思好語似蘭馨

龍虎韜雄贊紫樞鳳凰池好占洪都文章光燄無如李
疆域西南本屬吳勘定有謀裨宰輔治安求策禮真儒
落霞孤鶩江天遠未暇登臨倒一壺

西掖明刑慎履操南昌守郡選英豪兩軍爭戰雌雄決

百姓瘡痍撫字勞新壘入雲環井邑長江護境壯波濤
美人縹緲關情處獨立溪亭月色高

雲巢

舒卷無心太古時悠然深處獨棲遲每依涼影休雙翮
自歛神功寄一枝氣出山川纏牖戶狀如車蓋覆茅茨
相看怡悅安居甚風雨飄搖勢不危

雪洞

太素中含月窟圓鑿開冰玉萬重堅明生虛室疑無夜

冷積陰巖自有天琪樹飛花迷鶴侶石門掣鎖露棋仙
玲瓏相對同高潔宛在華陽福地眠

寄吳左丞二首

長沙爵邑舊鄱君曾駐臨川壯武勳帝室遂能賓百粵
王孫今復將三軍火旗鐵馬晴觀陣玉帳銀燈夜話文
北望金陵作鄉土鍾山佳處有飛雲

碧桃朱閣武陵塘俯視鄱湖一境蒼珍羽高棲能擇木
彤弓遠發即穿楊春郊過雨游氛淨曉壘摩雲旭日光

共識平生心事白每將忠孝振綱常

時雨為平章公作

春雲江上曉陰陰膏雨知時直萬金草木總添蒼潤色
乾坤先溥發生心新雷頻送蒼花細秀野遙沾隴麥深
今日變調逢大手蒼生久已望為霖

四月二日與黃觀瀾員外傅仲珪都事同訪單
德甫憲使不值

得閑來訪單繡使上堂只逢雙墨君小軒雨久長新樹

近午風生驅宿雲更策羸驂尋雪洞偶看稚子摘池芹
連營萬屋無閑地小滿初晴麥氣薰

贈孫希孟

孤懷軒豁無滯礙四坐友朋聞笑談苦茗甌中水清冽
綠槐枝上日西南雞豚布野民瘼減虎豹瀕江武備諳
鯁直復全端厚德賢如汲魏更何慚

癸卯季夏病中

隴雲溪柳別多年棹入荷花水鏡天心若有愆如桎梏

身能無病即神仙行吟騷國滋蘭畹夢斷詩家種秫田
尤物可人皆澹泊惟存書癖老逾堅

感懷

桃發三枝結一實仙子獻時雲闕開竈突臘寒烟忽斷
簷梯夜靜月頻來征途海岱皆戎馬故國池臺盡劫灰
松葉滿山風自掃天高未見鶴飛來

贈人

雲山萬疊擁轅門將帥詢謀禮達尊劍戟霜明屯虎豹

桑麻雨霽樂雞豚石闕阨塞清無警茅屋融和遠有恩
歸艷彤庭陳骨鯁心期王業固深根

送朱允升

年年應召赴秦淮此會留連百日偕王室議成新制作
客窻飛動舊情懷未霜荷葉迎湖路初月梅花映雪齋
更約相逢多勝事御溝垂柳拂春街

暮秋紀事

風塵浩蕩老朱衣草檄軍門筆屢揮九日誰浮新酒菊

十年不採故山薇
借來駿馬諳人使
去久狸奴憶主歸
聞說舟師又西上
燈前擬策進彤扉

夜歸

綠水紅薇暮靄芬
聯裾穿出羽林軍
一街月色白如雪
兩馬風前去似雲
橋下商船依市宿
城頭戍鼓隔溪聞
到家無意梅花帳
更作相如諭蜀文

寄胡仲淵

共剪秋燈對紫薇
旌旗南去總戎機
馬馳射圃穿銀的

花發鄉山照錦衣，拔柵每勞躬甲冑。
臨風高詠唾珠璣，別來相憶情無限。
目送寒雲斷鴈飛。

萬戶趙禎見余訪單憲使不遇之作賡歌四章
雨中來謁用韻以荅

驚見連篇錦繡文，營中將校罕逢君。
投壺清致祭征虜，執戟多年揚子雲。
銀甲行穿江路柳，丹心每效野人芹。
一窓細雨初相識，清馥如蘭滿室薰。

石頭城

鐵壁巉巖阨要衝古來設險大江東
半天虎踞山如舊萬壑鯨吞地更雄
上國控臨吳楚郡西藩環護帝王宮
當年駐馬坡前望想見金陵氣鬱葱

鳳臺曉望

列嶂飛空翠幾重晨光拂樹露華濃
江南地勝來丹鳳海上天開起火龍
都邑豪華超六代烟塵蕩滌見諸峯
可憐白鷺三山白金谷惟宜罰酒鍾

鍾阜晚烟

紫翠光凝日欲晡上方樓閣隱模糊歸林高鳥巢紗幕
噴霧雄龍護寶珠點染神功皆造化留連好處是桑榆
澗松掩映同遲久莫對山靈歎暮途

秦淮

古云天子氣佳哉誰使秦皇鑿地開銀漢西流環數曲
紫垣中起面三台每逢霖雨添黃潦更染春漪似綠苔
因此金陵都會勝兩堤烟柳蔭樓臺

贈友

一綫岷波綠漲天蛾眉愛此錦袍仙九華披霧覩驄馬
五老躡雲來酒船鶴聽書聲秋滿屋月隨詩步玉為田
瑣窓新霽留清話唾出驪珠箇箇圓

已上知新近稿

陶學士集卷六

欽定四庫全書

陶學士集卷七

明 陶安 撰

七言律詩

螺磯

御風疑是上瀛洲
靈瀆生峰倚斗牛
海底龍宮隨浪出
域中鼇極在空浮
川妃據險神南國
造物鍾竒抗上流
天塹倘如平
定日畫船簫鼓接瓊樓

江上大風入泊櫓港

底事驚颺怒不平雄濤起立勢如爭金鼇脊上三山舞
鐵騎聲中萬鼓轟使客孤舟先入港水軍高枕罷催程
身逢險阻心逾定獨愛雲霄砥柱擎

移舟

南岸風狂北岸輕移舟近北水波平開帆不用爭先去
得路何煩冒險行赤鯉似從仙客跨白鷗來結海翁盟
人生遲速皆天定却笑狂夫苦計程

蕩槳

雨消殘雪滑新泥
風撼枯梢響古堤
一霎路驚三舍遠
兩行槳蕩十雙齊
初晴綠水浴鳧雁
落日空山啼雉雞
出得沙汀烟浪濶
九華只在暮雲西

次管時順韻

四海何人有魯連
幾時樂土似堯年
錦江雪浪浮雲外
黃鶴風烟戰馬前
與子飄然同桂楫
昨宵忽爾夢芝田
從來建業興龍地
莫學稽山棹酒船

馬當磯

低垂天宇濕青蒼西走危機是馬當怒虎脊高生齟齬
活龍鱗動閃光芒三更獨月開初曉萬古重關扼大荒
應想山靈愛詩客翠屏如削照衣裳

曉發彭澤

清曉江風捲霧消紅衣扶槳帶霜搖波衝斷石蹲斑豹
樹挂懸崖走黑貂疊疊危關當險要瞳瞳旭日上雲霄
覓得長年知水勢應機運柂去何驕

黃麻灘

黃麻灘前難艤舟無港無磯江直流松雲羣行似飛猱
山雪數點如輕鷗舉酒聽歌鸚鵡賦清波疑繞鳳麟洲
六經文字誰當寫到此臨風搔白頭

同使者船過九里十三磯

臙脂樹邊霜滿巘層巒飛動碧如藍兩船泝流拗七百
九里有磯凡十三淮甸風雲生遠近岷江烟浪出西南
橈聲搖過急湍去水鳥低飛聽笑談

漫興

烟篷浪楫暫為居
爐有茶鐺篋有書
畫刻僅存三十八
里程遠涉二千餘
星辰分野明黃道
軍馬行營駐綵旗
擬向轅門陳大計
此來非愛武昌魚

陽羅堡

朔漢強兵此渡江
前朝郡邑望風降
中天日月新開國
大地山河一倚牕
西楚無人撞玉斗
東都有客賦金缸
上流衝要皆寧帖
定鼎何須力士扛

風雨中過陽羅堡磯

石立江中舉棹危風驅浪下建瓴垂
輞川烟雨王維畫
灩澦舟航杜老詩傍岸徐行方得穩
涉川能待未為遲
惜無好酒波間酌為謝馮夷出此奇

新年

夜月江聲艤戰船故園柳色動新年
想因兒喜閉門坐
每有使來無信傳多病嘉魚未能食
少眠得句忘題箋
瓊樓高爽縈心曲獨倚東風望碧天

黃鶴樓

月借金波滌素身天風吹度大瀛濱羽衣對酒蹠躑處
綺閣梯空浩蕩春有客乘雲去千載滿汀芳草長重茵
城頭日暖收旗鼓擬傍闌干暢望頻

大別山

神秀皆由造化功山因夏史望尊隆崇關磊磊當衝要
南紀滔滔此會通千古歲寒存老栢一亭秋興感飛桐
我來極目湖湘闊作賦登高效楚風

鸚鵡洲

綠衣使者到南州處士時從黃祖游縱筆文辭嗟好鳥
動人音節振鳴璆芳洲過雨生青草感客臨流照白頭
若使才高忠義篤丹心應在主家樓

烟波亭

簷頭斜日掛亭亭下俯珠宮紫貝庭江漢蒼茫春望遠
鄉關迢遞暮愁醒晴霏淡淡浮汀樹澄碧粼粼浸石屏
未信漁舟能領此白鷗萬里整霜翎

昭君圖

龍沙月照漢宮詞
毳錦衣裘換陸離
君命和親勞敢憚
夫綱定分死難移
春隨驕馬觀胡隊
玉立諸姬拜女師
花顏承恩多見棄
長安金屋亦何為

秋胡圖

春風車馬擁歸途
桑下娉婷綠映襦
尺璧絕塵心自許
千金為土眼如無
未酬堂上慈親養
誤認城隅靜女姝
何事鬚眉一男子
愧渠粉黛凜然殊

四皓圖

龍爭鹿走角功名眼底浮雲悟世情有地采芝身遠遯
無心執玉手平衡衣冠誤落留侯計帶礪愁聞漢祖盟
松下厖眉垂白雪至今泉石被光榮

白蓮社圖

儒墨殊科混雜居忘形擬作虎溪漁花開冰雪暑不到
月在漣漪天自如座有名賢仍嗜酒門無時貴暫停車
東林此會何瀟洒可是丹青得緒餘

青松社圖

天地冲融顯至仁
溪頭霽月泗濱春
滿林霜雪高標健
在坐簪紳衆理循
草色映窗青共好
棣華聯蒂秀雙陳
髯翁偃蹇真竒遇
見此師生數偉人

登瀛洲圖

天策英才聚一堂
簾櫳清晝海波涼
神仙宮闕金銀色
朝士衣冠雨露香
飄逸詞情超世出
聯翩臂羽拂雲翔
當時下土瞻麟鳳
弱水蓬萊隔仞墻

遊月宮圖

桂影團團舞鳳凰
瓊樓宛在水中央
白虹橋背騰仙侶
玉兔毫端挹瑞光
但覺雲霄隨步武
不知風露濕衣裳
一場夢幻傷心處
擊鼓驚催蜀道長

太真玩月圖

華清浴後上龍樓
得與冰娥共素秋
顏對粧臺金照面
光涵宮髻玉搔頭
梨園徹樂承歡暇
桂闕當天為我留
翠輦何緣不同到
宵衣應是罷宸遊

次韻答徐志仁

出山意氣動人多，蒼古姿儀逼籀科。
大府君侯親擁篲，故鄉文物貴瓌珂。
江花香映麻姑酒，雲錦光分織女河。
帳底從容勞借筓，兵籌國計直無阿。
已上江行雜詠

過張氏廢居土人稱花園張

兵後殘基綠草新，土荒石砌卧麒麟。
昔年花木有千種，今日子孫無一人。
當面好山遙隔水，驚心啼鳥暗傷春。
薔薇寂寞沾清露，還似歌筵酒在唇。

四月望夜見月

半年不見團團月或是天陰或病中鏡影偏隨今夜滿
鬢華不與向時同似憐偃仰空簷下曾照婆婆舞劍雄
遙想清光千里共兒孫對此憶哀翁

次楊舜中教授韻

模寫江山愧乏才雪堂不見老坡來炎天素扇詩題濕
晚景朱顏酒挽回與子相依淮甸月棲身還遠禹門雷
客中懷抱方傾倒吏候庭前事又催

次韓子魯見寄詩韻

自笑平生山澤容豈能奏對大廷中天風穩舉高飛鵠
江月遙憐雙影鴻每懷館閣親三益擬具船車送五窮
應被昌黎嗤我鄙何時一見扣洪鍾已上黃岡寓稿

過蘄州

平岡躍過大江心岡畔城墉上碧岑草舍聚成新市井
桃蹊引入舊園林七層塔在禪衣絕諸寨兵屯使節臨
三兩故人留繾綣舟行不待一盃斟

泊江州

江雲紺綠夕陽邊
江水空明海氣連
一點遠帆如白鳥
數聲急鼓隔蒼煙
潯陽九派疑無地
廬阜千峰直造天
清夜開樽酌司馬
琵琶亭下月當船

過湖口

荆楚東疆合衆流
微茫天宇一浮鷗
山圍古邑當湖口
水沒平沙露樹頭
處處茅茨松葉暝
蕭蕭風日荻花秋
何時訪友章江上
共倚朱簾畫棟樓

重過小孤山

從古開關作海門風濤不動石為根地靈內拱孤身露
水勢西來萬派吞高柱擎天環日月飛岑起霧濕朝昏
羽翰倘出層巔上直度雲霄叫帝閭

樅陽寓舍

草木重圍路不知故歲餘暑得秋遲風驚野竹起黃雀
日下晚山聞畫眉久客未成歸去計累官更覺老來癡
庭松相間榆槐綠暫展繩床坐片時

客子

客子飄零意不憂
人間到處為詩留
四山掩物天如小
百鳥啼秋境未幽
古市日斜蚊蚋起
廢營草合兔狐遊
偶閒步出溪亭外
羨殺漁家一葉舟

偶題

地無車馬逢迎少
野色溪聲一枕秋
繞屋插筇防虎突
臨池開路縱鷺遊
斫來紫竹供詩杖
候買鮮魚喚釣舟
尚辱天官記名姓
市朝移迹向林丘

撫迹

鸚鵡洲邊送夕暉
長江上下萬重磯
元之暫寓黃州別
陶令擬從彭澤歸
客裡風霜催易老
山中猿鶴怨相違
青綾被上天香在
數載銀燈照紫薇

中秋

乾坤海嶽總虛明
照得心胸瑩水精
月色只逢今夕好
酒杯聊對異鄉傾
素娥耿耿憐人獨
鄰唱騰騰按鼓輕
如此中秋能幾度
兒曹千里各凝情

寄示從子旻

蒼秀鬚眉一丈夫有才能稱此軀無儒家盛業當名世
老屋殘書尚滿厨壯歲光陰渾易過古人名節要齊驅
自憐遠泊淮南叟擬傍溪流撫竹梧

寓况

樹陰一縷突窓烟野藪山柴免費錢病客再經遷守令
外郎今不似神仙投竿浪說連黿手扶杖忘携躍馬鞭
多少可人蹤跡遠朝朝相見只青天

重陽二首

倚杖西風晚日間一江晴色照衰顏近年獨喜行平地
纔說登高倦上山亂後菊花栽已少病餘酒盞飲何慳
霜螯玉鱠無尋處老樹殘烟自掩關

客居正有大龍山又有黃花古市闌九日何緣無節意
一身猶自遠鄉關親交對景應相憶僚佐離家盡不閑
莫道明年誰尚健茱萸已笑鬢毛斑

縱陽感舊

街衢樓閣幾千家掩映諸峯布兩涯嶺海路通來貨貝

湖溪水落富魚蝦十年兵火人何處極目丘墟兔可置
物盛還衰從可必榮枯但看上林花

秋館書事

多年草木未芟除野豕山麋走傍廬三二吏曹來捧牘
幾回客枕罷觀書秋江潮漲霜飛晚暮靄鴻征月上初
木落風高生遠興思歸意不在鱸魚

散懷

鴈飛久絕故人書路左難迂長者車夜永燈昏頻起坐

曉來髮薄不勝梳，玉珂金鑰薇垣夢。野月溪雲竹石居，
自笑吾生無定迹。半如仕宦半樵漁。

清夜戲題

紫鴈飛投渚上蘆，錦鳩歸宿井邊梧。垂天太白光先現，
傍月纖雲淡忽無。估客舟航維柳岸，漁家燈火起蓮湖。
虛庭獨坐明如晝，短髮涼新露氣濡。

官舍謾題

墨花落紙照兵帷，山色隨人到縣墀。官事紛紜談笑辨，

民情深隱揣摩知竹君笑我食無肉松子墜衣行有詩
府帖徵求如雨密軍需田賦不愆期

千秋節

龍集甲辰秋九月天公壽旦更光輝四方海岳交相慶
諸國君臣次第歸創業情同魚水好誓師勇奮虎貔威
桐城拜舞心逾切遙望金門忍久違

野性

紫蟹黃花野性娛縱川秋晚問皆無得閑意到蔬新種

不飲神清酒絕沽雨氣四窓浮几硯寒聲一片起菰蒲
烟波朝暮追隨處好似扁舟泛五湖

默坐

默坐癡如木偶人冥心僅免痛纏身離家作客雖無累
少食居官漸減神仲子乘舟來省視寒衣出笥慰清貧
牀前夜語燒松火歡氣融為一室春

冬曉

徹夜清霜凝積草新晴東日報初昕山身結嵐露蒼頂

水氣上天成白雲行子愁寒出門懶炊夫及早負薪勤
都輸土室茅簾內擁被遲興搢拙熏

望皖公山

平生聞說皖公山獨上崇岡見遠顏螭脊踊天孤柱立
鼇頭瞰海萬洲環高虛有境藏山洞威武如神衛帝關
思與英靈共酬酢何時為爾一躋攀

東望

東望飛鴻信頗遲未應老大命偏竒隨舟山色曾三日

送客江流合此時曉月栢垣思舊路霜天菊徑待新詩
此行採得民間事累牘須陳慷慨辭

桐城書事

丹明翠膩走峯巒獨坐茅廬詠碩寬石觸溪聲喧夜枕
雲分樹影落朝盤浮屠鼎立頻經亂編戶星稀漸得安
北峽關開人馬過不聞刁斗擊霜寒

秋浦雪中

昔時過此雪晴天今到池陽雪滿船兩歲客途忙易老

九華山色美如仙
朱轡聯蓋迎沙際
黃帽停篙艤石邊
自擁竹爐篷下坐
風燈動影照無眠

夜泊采石

去歲船從采石過
夢中風雨泝江波
今宵不及登牛渚
何日重來撫翠蛾
無酒臨流弔詩客
有心坐石理漁蓑
鄉城數里身難到
燈下裁書寫意多

慈姥港

江磯西走向淮堧
曲港東環半壁圓
嘯虎涉川風涌浪

靈虬疏土石為泉舳艦穩泊離艱險晝夜安行接後先

被髮道人功獨偉玉堂紀事有誰鐫

被髮道人者蔣如意也至治間如意

浚慈姥港土人名新開河歐陽原功作記無石刻今四紀矣

慈姥磯阻風

一片歸心趁鶴翎江豚忽起恣吹鯨蓬遶山色和雲看
枕上風聲帶浪聽萬事疾徐難逆料千艘馳逐却爭停
瀟瀟夜半無情雨忍使寒欺短鬢零

天

偶同三韻韻各一意自我創始

人道蒼蒼便是天我言天不在蒼天寸心顯赫私難隱
五性圓融善本全傳說巖居登宰輔顏淵廟食著仁賢
但令俯仰長無愧須信吾身自有天

鬼神

陰陽聚散在乾坤萬物初終理一原泯泯形聲還寓迹
森森枝葉復歸根周流冬夏成功顯鼓舞風霆妙用存
靈氣充然隨處有人間承祀禮知尊

浩氣

盛大流行天地氣有生得此本豪雄在人善養心何懼
配道無虧體自充剛直忘私由集義作為助長不成功
大賢千古常如在要處先存念慮公

首尾吟六首

人生何苦走西東眼底浮雲跡易空遠路挈家經至險
大船驚貨伏真窮馬行蜀棧高天碧猿嘯巫山落日紅
木葉蕭蕭時序晏人生何苦走西東

人生何苦走西東琴劍淹留邸舍中故隴楸梧幾寒食

荒庭松菊自秋風
天涯月色傷心曲
鏡裏年華入鬢蓬
但見知歸鴻燕去
人生何苦走西東

禍福皆由自己為
莫談氣數急脩持
壯夫飲醜難逃死
貧者營資不絕炊
貴骨挿身遭斲鑿
餓文入口繫安危
鬼神予奪無他意
禍福皆由自己為

禍福皆由自己為
古來家國亦如之
隱情畢達群黎悅
諫口纔箝萬事隳
漢祖寬仁兼楚地
商辛炮烙動周師
興亡未必俱天定
禍福皆由自己為

報應隨心理最真樞機為主此為賓殺蛇曾作國中相
度蟻當魁天下人然火請君先入甕出門無驗莫容身
快尋善惡源頭看報應隨心理最真

報應隨心理最真當存仁厚作賢臣從來出爾仍反爾
無或刑人更殺人沒後方知廉是偽生前獨以刻為淳
自經溝瀆將誰咎報應隨心理最真

首尾吟二十首

達觀萬象付評量性命元機孰主張天地無窮皆一物

帝王有統始三皇衮衣制禮興周室科斗成文出孔堂
可喜生民殊鬼域達觀萬象付評量

達觀萬象付評量底事虛空一色蒼高大絕倫包六合
運行無息繫三光忍令顏跖殊脩短偏遇堯湯久雨暘
此意微茫還識否達觀萬象付評量

達觀萬象付評量今古人間一素王曾孟有書明道學
漢唐無統爛詞章澄淵靜絕風濤險靈府虛含日月光
參透考亭宗旨後達觀萬象付評量

達觀萬象付評量自昔王畿制四方天設函關雄百二
地環洛邑定中央鷹揚西土功成速鹿走中原力逐彊
有德易興無德否達觀萬象付評量

達觀萬象付評量多少英雄古戰場曾見雌雄分楚漢
從來揖讓只虞唐馬牛謠讖歸江左龍鳳姿容起晉陽
天命人心非倖致達觀萬象付評量

達觀萬象付評量過眼榮華夢一場不把聰明補名教
枉將心志變荒唐窮經如覩行天日涉難須經肅物霜

方寸儘能藏宇宙達觀萬象付評量

達觀萬象付評量欲訪丹邱不死鄉天上玉棺如實事
山中金鼎豈良方偷桃浪爾竒方朔辟穀飄然獨子房
推碎三神驅恍惚達觀萬象付評量

達觀萬象付評量樓殿如星起寶坊唱佛狂談如有理
參禪兀坐畏無常法傳心印皆文字形寓閻浮即色香
未必真空都絕物達觀萬象付評量

達觀萬象付評量大化茫茫氣翕張地闢天開呈海嶽

春生秋殺運陰陽先王禮樂光三代列國干戈起四方
正閏相承離又合達觀萬象付評量

達觀萬象付評量司造神功挈紀綱刻畫劍門除割據
蕩平灑灑作康莊太空日月明無蝕永夜星辰淨斂芒
長願清寧天地好達觀萬象付評量

達觀萬象付評量積石龍門勢渺茫西瀆流長多潤澤
中原地決廢耕桑近年有路通星海終古無人鑿呂梁
莫信槎仙說蔥嶺達觀萬象付評量

達觀萬象付評量
輶軻由天莫可禳
文士有才多薄命
忠臣仗節或罹殃
鱷魚遁跡潮民喜
蜃氣凌寒海市張
造物還能愛瑰傑
達觀萬象付評量

達觀萬象付評量
氣化參差亦泛常
美矣長松生澗底
時哉雌雉在山梁
數年許史榮西漢
千古夷齊餓首陽
往事紛紜何止此
達觀萬象付評量

達觀萬象付評量
政教流行國祚昌
皇極居尊施五福
人文成化立三綱
世家公子歌麟趾
天下竒才覩鳳凰

更有山林安分者達觀萬象付評量

達觀萬象付評量治日無多亂日長漢火漸寒三國戰
晉疆頓削五湖攘誠忘金鑑成天寶法變青苗厄靖康
一統山河忽如此達觀萬象付評量

達觀萬象付評量歷代人才志氣揚佐國大家鍾鼎貴
開邊能將甲兵彊乘時立見功名顯持滿無如禮法將
驕傲謙恭懸絕甚達觀萬象付評量

達觀萬象付評量惡物蕃滋苦見妨秋雨稻畦稂莠長

春風花圃草萊荒滿家厭聽喧蠅蚋當路驚聞走虎狼
元氣生生何糅雜達觀萬象付評量

達觀萬象付評量事遇成全又不長井邑繁華龍闕野
池臺歌舞鹿游場人情正好生離別花艷方新遇折傷
郊外行春風雨至達觀萬象付評量

達觀萬象付評量靜玩羲圖理數彰五月豕羸防至弱
六陽龍亢戒全剛彌綸道妙天無間輔相功神世永康
太極更求形上者達觀萬象付評量

達觀萬象付評量喜有賢能列廟堂
多病數年親藥餌遠遊千里憶松篁
當門湖水涵天濶隔樹山禽語晝長
巖壑軒裳隨所遇達觀萬象付評量

首尾吟七首

人於物外莫容心貧賤何憂富不淫
待價有如藏積玉引年無意乞骸金
深山鹿豕情依舊高閣麒麟事屬今
天爵在躬懷至寶人於物外莫容心

人於物外莫容心內境神光萬象森
衽席嚴持師保訓

羹牆宛見聖賢臨
游居道閭清平旦
耕獲書田惜寸陰
陋巷巖廊俱自得
人於物外莫容心

人於物外莫容心
已不求人人自尋
莘野得君亡夏日
傅巖起相作商霖
鷹揚功在九韜略
龍躍威施七縱擒
事業時來皆分內
人於物外莫容心

人於物外莫容心
往事驕盈可作箴
七葉貂蟬權位赫
五侯蠟燭寵恩深
酒肴腐敗飢人死
裘馬輕肥傑士沈
損抑自無敬器覆
人於物外莫容心

人於物外莫容心古淡情懷付雅琴山閣松風貞白斃
野窓梅月杜陵衾入厨空寂惟存菜鋤地清高不拾金
須信豪奢非久耐人於物外莫容心

人於物外莫容心謾有聲華動士林將帥威行丸走坂
君臣道合芥投針瑟工不計人憎愛酒旨還隨量淺深
老大青天應未負人於物外莫容心

人於物外莫容心名教無慙我所歆正笏立朝安進退
點書教子細披吟青山渺渺頻來夢華髮蕭蕭漸滿簪

壅甕茶鐺清味足人於物外莫容心

有省

順境歡娛逆境悲天公真意有誰知
士遭困鬱文逾好物到充盈數必虧
得失當觀塞翁馬吉凶勿問卜人龜
雲輪變轉尋常事難把升沉定一時

學易

氣化形生太極函榮龍圖獻泄元談
靜觀大易九六數忽覺行年五十三
卦自著求神莫測辭因象設理當參

古來四聖傳心妙絕學重明在晦菴

學書

皇墳帝典古熙熙道德光揚事業垂溫洛神龜呈大法
魯堂科斗載遺辭危微精一親傳統揖讓征誅各有時
萬世國家俱鑑此存心必治不存危

學詩

教本閨門始后妃經宏緯密爛生輝辭情感物多微婉
祭享登歌盛發揮古韻自諧何用協序文有受未全非

考亭理趣明如日獨此時時與願違

審慮

天地生人一眇躬包含天地寸心中本來道義無窮極
要在工夫自擴充涓滴原泉流浩浩纖毫稂莠長芄芄
公私端緒加精察舜跖從茲路不同

已上鶴沙小記

陶學士集卷七

欽定四庫全書

陶學士集卷八

明 陶安 撰

七言絕句

四皓奕圖

安劉事畢返林丘當局機心老未休
松下樵夫應暗笑先輸一着與留侯

倦繡圖

困來無力整殘粧采綫何如意緒長
織手欲閑閑不得

要將文繡獻君王

郊城叟

稊屑為饘不滿甌
焚茅烘暖救綿裘
老翁自說因何瘦
連歲田禾不得收

次西無棣二首

寒砭肌骨酷如刀
雪走風行足力勞
糲粟充飢裘襖弊
老天正是養英豪

鬚結堅冰斷數莖
每逢村野少紓情
僕夫皴手輪遲輓

行到日斜方近城

次韻溪居六絕

水長清溪晝濯纓鄰家門巷共新晴東風偶爾加噓拂
便見閑花態度輕

報到韶華太半回庭前桃杏一齊開蝶蜂留戀多情甚
纔到花殘便不來

榮華無定若漂流何似忘機狎海鷗儻使題橋言不應
相如豈不見人羞

簾捲從教燕子歸倚欄閒看浪花飛晚風欲定依然起
又鼓狂瀾觸石磯

客來沽酒醉婆娑童子垂綸釣綠波簷外雨晴春樹茂
無心勾引鳥聲多

暖天漲霧結春陰花片隨波半欲沈病鶴翎疎飛不起
却輸黃鳥占高林

和張景中經歷三首

未來地步預難明達士何嫌俗眼輕天意安排元自定

窮通不必問君平

春暉雲罅漏微明
趁暖遊蜂體態輕
溪上閉門車馬靜
柳風不動綠波平

林外雲霞曙色明
落梅點點入簾輕
東風有意消殘雪
現出郊原似掌平

次汪教授見索茅朮詩韻

時汪有
退休意

清夢相依玉潔堂
未應辟穀學張良
紫芝本是神仙藥
細嚼華陽雨露香

捕魚圖二首

操舟下網水波深，幾簇漁家柳樹陰。
舉目紛紛爭為利，不知誰有子陵心。

蓑笠衰翁凍欲僵，溪風吹透稚兒裳。
幾多辛苦求鮮食，何似安居煮菜嘗。

題墨梅風烟雪月四首

為劉東美作

萬點餘香收不得，倚樓莫怨笛聲吹。
此情已在和羹鼎，自與東風暗有期。

烟鎖空江曉未開
暗中顧影自憐才
歲寒標格不可掩
消息已從天上來

冰雪塞天陽氣轉
幽香飛動老龍鱗
平生每事居人後
十月嚴凝占得春

百卉未春先入選
玉堂夢遠老侵尋
黃昏耿立無人過
唯有素娥知此心

送劉生二首

蟹壯湖村橙子黃
林田繞舍未全荒
雙親住在姑溪上

却望青山是故鄉

伯兄遠游江北邊
仲兄漂上舊青氊
別後遙知不索寞
梅花月下玩先天

題袁氏卧雪堂二首

洛城風雪未開門
空屋僵眠懶謁人
獨向歲寒持節操
始知君子不憂貧

雪滿橫山曉冷嚴
華堂帳暖蔽重簾
縱然邑宰來相見
不似當時舉孝廉

題畫

鼓罷瑤琴策杖還空山
流水聽潺潺夕陽林外風塵起
翰與先生不出山

淵明醉圖

何勞一縣惱閑情
五柳柴桑老此生
每向黃花作沈酒
寄奴已據石頭城

渡江

嘗聞五馬一為龍
烟水迢迢日自東
那信江南業儒者

也來中土攬英雄

見飢民

傴僂提攜面黑鰲如柴瘦骨強撐支充腸猶欲延軀命
扳上高枝剥樹皮

早行

月光斜墜樹淒迷山路崎嶇信馬蹄撲面霜風行十里
村墟漸近始聞雞

旅夜聞雨

夜雨巡簷瀉瀑聲
窓虛燈暗旅魂驚
思家非是無歸夢
自信離人夢不成

途中別友

歧路霜楓照面紅
君歸浙右我江東
青山今夜看明月
兩地相思聽斷鴻

初歸

幽薊歸來髮若絲
故園三徑草離離
慰人猶有籬邊菊
強吐秋花滿舊枝

冬晚

江上風高雪正深
倦遊人抱慰時心
柴門不掃無來轍
抱膝藜床一暢吟

野花

點染韶華傅色均
枝枝紅白為誰新
雖然冷落山林下
也向東風靜笑春

秋山曙色圖

樹含曉色護林巒
重露如嵐滴翠寒
猿鳥儘逢山叟慣

未嘗驚怪竹皮冠

為劉博士題畫二首

靜趣無窮閱聖經
紅塵那到子雲亭
東風吹動廉纖雨
頓覺郊原草色青

峭壁危峰護紫霞
讀書聲在鄴侯家
靜凭窓几閒觀物
無限春光在杏花

題畫二首

隔岸羣峯帶鶴汀
水添夜雨芷蒲青
展書每向船頭讀

風外沙鷗亦慣聽

山鳥山花別有春
薜蘿補屋淨無塵
簞瓢自得貧中樂
肯逐京華旅食人

竹松二首

兩岸湘雲鬱未開
一江湘水綠於苔
雖然帝子鸞輿遠
吹徹瑤簫鳳亦來

攫拏百尺聳竒材
鱗滿霜皮蝕古苔
只恐春雷舊頭角
清陰不復護書臺

鴈鵲二圖

遠塞來賓伴不孤
半生粒食寄江湖
雖然矰繳頻年少
未可巡更少鴈奴

仙信遙傳入綵樓
橋成天女渡河流
不緣報喜人爭聽
金印嘗將拜列侯

懷友

別來消息久無聞
目斷江東只見雲
遙想蘋洲吟詠處
此身豈外白鷗羣

送何令歸江右

故山猿鶴正相招，非是淵明懶折腰。
想見章江門外柳，待君歸繫木蘭橈。

送劉生省親三首

江郭橙香鱗正肥，乍寒遊子已成衣。
經書滿架堪探討，底事秋風苦憶歸。

白白晴雲望裏飛，寸心日夜念庭闈。
到家喜慶承顏處，春酒盈卮五色衣。

男兒立志聖賢師
移孝為忠遠大期
要取芳名登汗簡
加功當在少年時

過田家

綠藏芳屋樹無花
穀浸田疇已茁芽
正是春蠶成熟後
不聞籬落響綠車

過吳江

人家住處近菰蒲
咫尺風濤隔太湖
暫泊征橈問漁父
如今可有四腮鱸

舟中望虎丘

鬱蔥殿塔倚斜暉
樹色嵐光杳莫分
今夜名山當借宿
不教間却半床雲

惠山觀泉

潺潺瀉石轉方池
桑苧翁名第二奇
盍向清冷分半勺
月團試煮浣詩脾

詠史十五首 并序

風塵不息有年生
民肝腦塗地弗見援
而止息者閉

戶憂思古之豪傑自漢以下張留侯等十五人又莫
知何在慨歎之餘爰按傳考實每為賦一絕以寓思
仰之忱亦望梅止渴之意云爾

佐漢成功又定儲全身遠害類吾儒也知豪傑天生世
未必黃公授素書

張留侯

筭無遺策捷如神規取燕齊席卷秦請看囊沙并背水
古今將帥孰堪倫

淮陰侯

知主非常杖策從務安黎庶攬英雄炎光重振追前烈

合表雲臺第一功

鄧禹

扶漢如周夙所期遺孤委托在艱危出師二表文猶在
伊傅存心世共知

諸葛武侯

雞鳴午夜不堪聽誓取中原一掃清河內總收歸晉土
任他西北現妖星

祖逖

東山高卧聽彈絲正是蒼生屬望時兒子進兵優破敵
矯情鎮物尚圍碁

謝安

主君陰事在初年迎敵金光戰最先栢壁嶺西皆大捷

始終名位保雙全

劉弘基

姿容瓌偉業通書忍作鄉邦章句儒王佐有才匡帝德

詎緣兵法授虬鬚

李靖

獨收人物厭珍奇創業艱危主亦知更展謨猷弘輔導

商周功業可為期

房杜

戰無不克筭皆全忠義優存智勇先策立功勲塞天地

復安唐室舊山川

郭令公

謀成後戰戰功成持已莊嚴號令明以少覆多稱第一

凌烟閣上合圖形

李光弼

謹畏廉能一代人禁兵不殺務全仁位高志下尤行儉

累葉兒孫作重臣

曹武惠

邊塵淨掃寂無譁第一中興不浪誇居士晚稱清隱號

賢才弗用用奸邪

韓世忠

寡弱兵能擊壯強天生豪傑信非常長城不使權奸壞

唾手中原復故疆

岳武穆

海鯨奮擊沂江濤敵主旋亡戰陣消采石金山兩稱捷

文儒恰似漢嫖姚

虞允文

志喜

黃河千里漾清洄天犬聲傳若怒雷掃淨攬槍三萬丈

乾坤生意此應回

壬寅三月彗見四月長星見戊戌星墜化石如狗頭辛丑黃河清六百餘

里幾
七日

閱兵奏凱

并序

上天厭亂眷命皇上為生民主所以開太平於萬萬世
肇自起濠渡江據姑孰都建業命將出師取浙左右江

東西所謂金鼓一動萬方畢臣天眷有德昭然可見矣
何靳黃陳寇賊謀其主已有無上之心乃肆侮僭竊據
有江漢之地怙強稔惡敢爾抗衡荼毒生靈終無紀極
天用勦絕其命於是皇赫斯怒親仗黃鉞帥六師討平
之先是癸卯歲七月閱兵龍江臣安忝侍從見虎賁之
旅鷹揚之帥旌旄矛盾如風如雲滿望無際駕巨艦千
百蔽江而上遇敵於鄱陽湖凡距二十餘日戰三十餘
合八月虜酋中流矢斃於舟中降其衆五萬皆宥釋之

奏凱而旋臣以文字為職躬臨其盛用作凱歌為獻俾
士卒歌以頌駿功鴻烈之萬一亦以暢億兆人之懽悅
情耳

鳥翔虎翼亘連衡江上風雲萬甲兵驚駭蚩尤旗頓捲
豺狼何處敢橫行

巍巍左纛領千旌百萬神兵湧怒濤戰艦際天笳鼓震
定堪江海戮鯨鯢

右閱兵

負固荆蠻久不庭皇天眷德統天兵戎衣一着誅魁醜

萬姓謳歌四海清

聖主親征百辟從躬提黃鉞振皇風却嗟螳臂那當轍
萬甲桓桓畫虎熊

艨艟山擁塞荆湖百萬貔貅結陣圖火筏扼喉衝浪感
須臾窟穴盡鼉鼉

右得捷

交鋒酣戰六時過湖面僵屍蔽白波一箭流星首首殪
軍民百萬動歡歌

天皇赫怒靜荆蠻號令威嚴重若山諸將奮先隨克捷

六軍踴躍凱歌還

征討兇殘奏凱旋
聖皇功德並堯天
從今汛掃華夷淨
海晏河清萬萬年

右奏凱

題江陰侯杜安道宅畫馬

洗罷桃花浪暖時
羣空冀北見權奇
五花雲濕青絲鞵
百戰功成不自知

房宿何年寓世間
四蹄踏鐵度天山
沙場酣戰誇神駿
奏凱歸來十二閒

已上辭達集

龍鳳已亥秋九月上於建龍關儀鳳樓雜寫金
陵山川六處命僚屬各賦絕句走筆立
成

秦淮流入大江來白鷺中分水勢開牛首峯前曾謁望
三山遙拱鳳凰臺

庚子二月十七日上在姑孰遊靈山無相庵時
僕與汪朝宗都諫王思文理問俱侍行王賦

絕句三首因次其韻

霧斂春郊現燭龍
偶來禪刹問真空
當門一曲清泠水
物外人間便不同

千騎爭馳樂未央
繡衣銀甲映花香
回看城市炊煙綠

嘉惠生民不暫忘

其時賜
教于民

松竹清陰覆古庵
宛如靈鷲擁精藍
相君下馬行吟久
得意賓僚有二三

次寶公韻

馬首千峯翠鬱蟠掌中六合握成團天生龍虎真形勢
付與英雄萬國安

奉賡御製中秋詩韻

老蟾再閱太平年大地山河影更圓今夜清光滿寰宇
桂香先到鳳池邊

參議李公次前韻二首見示賡歌奉荅

自有乾坤幾萬年月光偏向此時圓秋澄玉宇雲收盡
照見神州海外邊

兔臺靈藥可延年
試問冰娥乞數圓
長願身輕華髮少
台階正在五雲邊

奉賡御製詩韻三首送茅山宗師

太空珠鏡豁然開
風運瓊輪任往來
雨霽丹光雲外紫
繞山海氣隔黃埃

燭龍飛出曉山巔
草木欣欣總暢然
洞裏白雲閒已久
又隨玄鶴上瑤天

玉笙聲歇碧窓閒
金鼎龍砂五色斑
時遣仙童入林去

紫芝帶露斲雲間

題范氏文官花二首

先碧次
緋後紫

卉木無情似有情
九天雨露賜恩榮
何緣顏色頻更換
別有春工染得成

荔枝綠後緋還紫
金帶圍腰事亦常
天遣名花作奇識
一門數世盛文章

題畫應制


竹囊琴劍二蒼童
官道驅馳並玉驄
相顧應談天下事

封書同奏帝王宮

墨竹

煙雨溼滌翠影雙滿林清氣逼寒江雲間禁直青綾夜
一片秋聲起瑣窓

已上知新近稿



陶學士集卷八

欽定四庫全書

集部
陶學士集卷九
十

詳校官中書臣呂光復

中書臣劉源溥覆勘

覆校官中書臣朱鈐

校對官助教臣黃昌禔

謄錄監生臣王秉鈞

欽定四庫全書

陶學士集卷九

明 陶安 撰

七言絕句

曉發

五更慈姥睡雲間，潮落推船出港灣。
風雪滿天寒擁被，不知已過二梁山。

鄰舟

鄰舟先發到還遲，我正篷窓穩坐時。
萬事太忙非久計。

老天試使衆人知

漫意

買得溪魚掛柁樓野翁錯認五湖舟
夜來雪水添晴碧
輸與江鳧自在浮

牽舟

石洞玲瓏出水邊牽繩外遞路中穿
輓夫飛度山腰去
隱隱歡聲起半天

晚山

翠剪雲頭萬朵花
樹梢殘雪伴棲鴉
寒風吹得蒼烟斷
露出茅茨一兩家

楊山磯

東岸磯頭擁赤霞
西邊沙渚老蒹葭
江流盤束如衣帶
水急船遲日又斜

大通望九華山

誰道山如九朵蓮
萬峯飛舞上青天
惜無羽翼乘風去
分取丹池一勺泉

風逆

浪激船頭上苦遲無端又被逆風吹
桐城山在江西畔三日相隨尚不離

秋浦西郭

天風招我遊池陽飛步郭西千仞岡
笑挹九華顏色好怪來衣似綠荷香

聞友人童溺

馬前曾佩錦囊行笑指風烟一舸輕
月冷江天無覓處

別隨仙客去騎鯨

曉發

月出山頭近四更急呼人起棹船行蕩搖枕席咿啞去
卧聽江聲直到明

那吒石

何處飛來臂有翰峰頭毛髮照波寒不知元是那吒石
誤作巫山十二看

李楊河

順風帆過李楊河河北平磯沒淺波快撥輕舟絕江去
大龍山遠小如螺

攔江磯

朝來東北好風生吹得雲帆似葉輕穩向攔江磯背過
怒濤噴薄不須驚

趙老洲

杯茶未了過黃湓趙老洲平不見村舟子指西微笑說
不消一會到城門

濁酒

濁醪杯面漲桃花雪後陽春滿一槎醉裏若逢年少日
更攀北斗酌流霞

至安慶聞廖玉溪憲副等東下

李郭仙舟不可攀我來惆悵夕陽間料得對床篷底話
順流一夜到龍灣

發安慶二首

城頭雲重月色黑唯見空江如鏡明舟子笑談諳熟路

揚帆夜半趁風行

細浪聲喧畫漿閑游龍載夢過淮山覺來忘却江行穩
疑在松風萬壑間

竹枝詞四首

昨夜牀頭燈結花朝來浣女立江沙洗得紵衣

關

五

五

欽定四庫全書

卷九

望東流

千嶂浮空翠入舟
亂雲堆裏指東流
無緣結得烟霞伴
架屋松風最上頭

即景二首

灘頭偃木似人睡
波面小船如鴨浮
何況潯陽尤在上
兩潮欲不過舒州

白沙如雪撒平地
黑樹帶烟明遠鷗
岸峻江低人去速
山頭一尺走隨舟

蛾眉洲夢覺

清夢回時短髮搔百年身世寄輕舸夜深浪靜魚龍蟄
天地無聲一枕高

晨起

水國無雞報五更霜鵝籠裏戛然鳴一聲驚破篙師夢
檣上踈星掛曉晴

曉望

水氣昏冥凝白烟恍如混沌未開天騰騰冷霧籠初日

凍作輕冰一朵圓

燄火磯二首

萬章松檜百年霜石筍穿波翠有銛額得邊燄從此息
桑麻綠滿戰爭場

撐破蒼霄頂額雄通身峭石挂玲瓏草木不知危險處
直於絕壁長高叢

彭郎磯

巨靈運起霹靂斧斫去巉巖當面平想為小孤無伴侶

夾江對立一般清

補陀巖

峭壁飛亭起十層
螺彎石路小如繩
老僧獨坐雲深處
山鬼衝寒夜別燈

寫情四首

本性情
存美刺

海船如山風力輕
十朝難得一朝行
少婦顰眉兩相語
幾時到得豫章城

豫章城邊江水清
城中新屋起軍營
人人盼望妻兒到

日日走從江岸迎

新人顏色美如花
舊婦攜兒今到家
閨中同罵郎輕薄
何不當初等候些

年少兒郎久不歸
營中長夜守孤帏
餘糧買得綾絲絹
留待妻來裁作衣

雜謠

東南風起水流東
折轉雙帆橫使風
莫言不及順風速
還勝撐篙急浪中

金上日人言
卷九
船住堤邊同採薪
船行炊飯日初晨
衆喜湧沙船得脫
烹鵝醜酒賽江神

新覓篙師兩少年
默然無語靜行船
同來黃帽久諳練
每日喧爭聒耳邊

兩箇漁舟烟水中
見我相違如燕鴻
生怕軍來覓魚蟹
不知船裏載詩翁

來往船兒都起篷
天公那有兩家風
上流不及下流速
安得人心喜一同

雨淘沙磧炫銀色浪打石根如斧痕近日船軍少登岸
松山窩處已成村

徑江

水落江心露碧沙鐵戈西向挿如麻重來戰卒尋遺跡
拾得花鎗甲到家

石壓樓船閣淺流至今畫板沒沙頭寒鴉不管興亡事
飛下霜蕪啄髑髏

敵國兵殘失戰船石頭王氣曉連天當時一戰雌雄決

絕似周郎赤壁烟

金釵谷

何人釵墮綠沙傍
彷彿鏤金兩股長
環護那容風浪到
特來繫纜挹餘香

柘磯

柘磯諸山如馬馳
磯畔輕烟飛鷺鷥
匡廬隱隱望題品
應怪詩翁到得遲

湖口二首

大湖諸水合江流直下滄溟不暫休到此誰能分界限
茫茫宇宙一輕舟

武昌船來湖內停下流兵據上流爭楚歌聲斷風烟息
依舊玻璃一碧平

漁問

我在江湖子在山山斤斧幾時閑何如吹笛滄浪上
浩蕩烟波任往還

樵荅

舉網江心得錦鱗
新鮮滋味勝擔薪
却欣身與風濤遠
楫棹烹茶雪屋春

棹歌三首

雖是澄江鏡面平
急流如箭去無聲
沂江不遇東風便
十日都無一日程

萬里風吹上水船
錦帆腹飽去飄翩
不知猶是長江面
只道乘槎直上天

偶得好風行未遙
風微帆慢漿還搖
雲際飛仙在何處

欲憑青鳥寄書招

漁歌三首

泊在滄江萬頃天
短衣赤脚踏空船
盤渦水裏魚兒聚
網得新肥一尺鱸

鬢底插枝紅蓼花
歸來星月挂枯槎
老妻問得有鱸鱖
不怪夜深才到家

篷上瀟瀟風雨寒
篷底煮魚供晚餐
清波好與鳳池似
我掌絲綸在一竿

石碑磯

山頭墜土立如石水底伏磯穹似龜西望江州十餘里
斷烟斜日鳥歸時

宿老鴉港

狹港寒流數尺餘停舟一宿即蘧廬晚來飯飽人無事
脚踏青泥冷捕魚

早過江州

樓廢猶思庾亮床山邊廟是九江王近年割據人何在

一片烟莎曉色蒼

潯陽道中二首

百丈牽船未得閒
蒼烟白霧渺茫間
寒蘆無際人行久
高岸迢遙不見山

水急船遲蕩槳勤
微風不動又斜曛
可憐行子心如箭
不及西飛一片雲

夢興雲山

萬壽浴室
院禪僧

脫迹閻浮三十年
夢中彷彿類生前
正緣理有無生妙

只此能參過去禪

先祖生日

兒時拜舞祖庭前
白髮烏紗一老仙
四十四年蹤跡遠
幼孫涉世亦華顛

讀貞觀政要

自古開基立戰功
無如仁義起英雄
造成社稷年三百
全在親賢納諫中

官牌夾夜宿二首

晝短偏知驛路長
黃昏又泊水雲鄉
此身強卧篷牕下
心逐飛鴻到武昌

汀鴻集侶呼夜靜
野火照雲如月明
雖是冬陰星未現
波光剪剪自澄清

過城子頭

赤壤黃莎城子頭
經霜老柏秀林丘
無人獵射空山裏
飛鳥舒徐百不憂

過馬頭

暖日輕風過馬頭石磯重疊鎖江流兩朝不見青山面
驚喜層峰迓客舟

偶成

可怪人心常不足豈知穩處是安寧連日江行雖是緩
却無狂吹阻揚舲

富池遇順風

頃刻天風起自東棹郎踴躍挂雙篷富池相對盤塘近
笑語蘄山翠色中

夜泊蘄州城下

黃昏燈火聚江船
來泊蘄城古岸邊
詩客攜壺忽相訪
開元樂府聽新篇

過黃州

雲竅日光紅散縷
山根霧氣白浮烟
黃州地暖如春半
不道今朝臘月天

泊新生洲

中流突起新生洲
南岸猶稱下矮劉
熟睡不須愁夜雨

曉看黃鶴立雲頭

遣意

急雨打篷還易過
薄雲籠樹未全開
天公今歲陽和早
先有春風拂面來

晚行

斜陽未暮息風波
雨後山嬌刷翠蛾
江夏相看無兩舍
少行數里勝蹉跎

夜夢作詩二句覺後續之

晏坐山中二十年一朝披霧覩青天
出山還似山中物
歲晚霜松鐵榦堅

臘月四日

昨日飄來幾雪花
曉雲飛出一金鴉
迤南臘月東風暖
吹得柔青綻柳芽

望武昌

水面遠山浮數點
地中老石獻孤根
漢陽樹色微茫裏
一寸心飛到壁門

追述

羽檄星流遠度關
列曹案牘事如山
除非夜卧寒牕月
夢裏題詩亦不閑

已上新近稿

信步

斲碑讀罷度蒿萊
行傍人家取路回
野叟不知郡太守
茅簷留坐供青梅

馬

一匹烏鬃一紫騮
遠衝風雨出西州
久諳驅策能無棄

不惜長途汗血流

聞鷓

單鷓叫晴雙鷓雨
不論朝暮報非虛
羽毛亦解天公意
儻不知機愧不如

新晴

石徑新晴步履遲
半因訪友半尋詩
東風雖老春還好
開到茶蘼第一枝

欲晴仍晦

山市初看霽色新
癡雲四野妬餘春
蝶蜂自動閑愁怨
欲逐鶯花意未伸

桑柘

繞庭桑柘雨餘肥
郊外人來採得歸
太守愛民何吝此
正期蠶熟早成衣

方晴又雨

一夜星明朝復雨
近來晴意轉艱難
青天白日尋常事
此際當為異樣看

三月晦日

三月二十有九日雨聲蕭瑟送春歸
薔薇愁損紅粧面
留戀東風未可違

四月十六日夜月

四月既望夜望月雲起天東如湧波
坐久雲間明月出
或占水旱果如何

九月甲子晴

今年甲子皆陰雨九月初旬甲子晴
若道占書皆可驗

何緣寶穉已秋成

已上黃岡寓稿

望廬山

峯巒萬葉舞空蒼烟起香爐暮色涼
五老憑雲齊見笑
白蘋風急棹舟忙

次安慶

城樓三面碧迴環掠過烟波棹不閑
認得客塗曾到處
亂雲堆裏大龍山

次樅陽

白波紅日柘家灣西望縱陽數朵山惆悵歸人辭我去

想過秋浦暮雲間

是日妻弟喻子
臯分路東歸

遙夜

紫雲輕袂拂雲霄
冒冷朱顏亦易凋
洞府玉簫聲又隔
滿山蟋蟀沸秋宵

十六夜月

冰奩照徹碧琉璃
此夜重看儘未遲
風露滿庭人影瘦
清光元不減毫釐

遣役

裹糧荷甬陣桓桓鑿塹營城往六安老子凝情不成寐
挑燈愁聽雨聲寒

訪梅

山市凌寒特為梅霜清綠萼未春開莫愁獨立無人見
勾引詩翁兩度來

已上鶴沙小紀

陶學士集卷九